

MUZIONI

- **DIPUSITATA DA** : U GRUPPU « *Custruimu l'avvene* »

- **UGHJETTU** : Riflissioni d'un dispositivu d'aiutu finanziariu pà i studenti corsi fora di l'isula suvitendu filierii micca pruposti in Corsica

CUNSIDARENDU a massima di Pasquale Paoli « Studià hè libartà »

CUNSIDARENDU l'impurtanza di i studii d'un puntu di vistu prufiziunali ma dinò culturali, à u liveddu di u sapè, u sapè-fà, a cunniscenza, u spanamentu parsunali è u so utilu parsunali è sucitali,

CUNSIDARENDU a ghjuventù di l'Università di Corsica, à volti una carta maestra, ma spiichendu l'assenza di certi filieri,

CUNSIDARENDU chì, ogni annu, numarosi sò i ghjovani Corsi à parta à studià fora di l'isula micca par scelta, ma par necessità, o ancu par custrizzioni, pà suvità u « cursus » di a so scelta micca prupostu in Corsica,

CUNSIDARENDU a puvetà è a precarità chì toccani a Corsica è a so ghjuventù,

CUNSIDARENDU u costu finanziariu, in più di u costu murali è umanu certi volti, ch'eddi ripresentani è a stallazioni, è a vita à u cutidianu, di un studenti corsu fora di l'isula,

CUNSIDARENDU chì l'insularità poni custrizzioni è costi supplementarii è chì ùn devi essa un trampalu,

CUNSIDARENDU chì issa situazioni hè u risultatu d'una pulitica statali di parechji seculi di missa sottu tutela, d'acculturazioni, d'alienazioni, di non' sviluppu chì hà cunduttu à un ritardu maiò malgradu l'avanza chì era stata presa da Paoli à u XVIII esimu seculu cù un'università sarrata da a Francia,

CUNSIDARENDU dinò a rispunsabilità di a classa pulitica lucali muta di pettu à issi punti fora di u movimentu naziunali, principali, o solu, à avè rivendicatu a riapertura di l'Università,

CUNSIDARENDU chì a ghjuventù custituisci una risorza d'issu paesi è u so avvena,

CUNSIDARENDU chì l'avvena, i sonnii, i brami è i sperenzi di i ghjovani d'issu paesi ùn devini essa iputicati,

CUNSIDARENDU chì certi filieri ùn sò micca pruposti in Corsica,

L'ASSEMBLEA DI A GIUVENTÙ DI A CORSICA

DUMANDA à l'Assemblea di Corsica una riflissioni nantu à u principiu è a facevulità di a cuncezzioni è di a missa in opara d'un dispusitivu da aiutà à u liveddu finanziariu i ghjovani partuti studià altrò par via chì a filiera vulsuta ùn hè pruposta in Corsica,

Accerta chì l'ughjittivu principali à termini stà l'implantazioni di i filieri assenti oghji ghjornu in Corsica da disponsa d'un polu di studii superiori attrattivu, dinamicu è nuvatoriu,

DUMANDA chì issu dispusitivu, sichi pinsatu, di modu chì i principii di ghjustizia è d'equità fussini rispittati è guidessini a riflissioni in u scoppu chì iss'aiutu ùn criessi un'inugualità di fattu cù i studenti stati à studià nantu à l'isula.

DUMANDA à essa assuciata à issu travagliu.